

Na osnovu člana 96. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13), a u vezi sa Odlukom Senata Internacionalnog univerziteta u Sarajevu, broj: IUS-SENAT-11-4034/16 od 23.12.2016. godine, Senat Internacionalnog univerziteta u Sarajevu (IUS), raspisuje:

**K O N K U R S**  
**za izbor u naučnonastavna/umjetničkonastavna zvanja**

Izbor kandidata (akadenskog osoblja) vršit će se u naučnonastavna/umjetničkonastavna zvanja za sljedeće naučne/umjetničke oblasti:

**FAKULTET UMJETNOSTI I DRUŠTVENIH NAUKA**

Redni broj	Umjetnička oblast	Nastavnik (docent, vanredni profesor, redovni profesor)
1.	Vizualna umjetnost	2*

\* U okviru izbora u umjetničkonastavna zvanja za umjetničku oblast „Vizualna umjetnost“, prednost imaju kandidati kako slijedi:

- 1 pozicija sa akademskim iskustvom u oblasti kiparstva
- 1 pozicija sa akademskim iskustvom u filmskoj i tv režiji te umjetničkom radu u izvođačkim umjetnostima

**FAKULTET PRIRODNIH I TEHNIČKIH NAUKA**

Redni broj	Naučna oblast	Nastavnik (docent, vanredni profesor, redovni profesor)
1.	Računarske nauke	2

**Uslovi:** Kandidati za izbor u naučnonastavna/umjetničkonastavna zvanja, pored općih uslova propisanih Zakonom o radu, minimalnih uslova za izbor u naučnonastavna/umjetničkonastavna zvanja propisanih članom 89. i 90. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13) i općim aktima IUS-a, trebaju vladati engleskim jezikom u pismu i govoru.

Sa kandidatima koji budu izabrani u akademska zvanja, IUS zaključuje ugovor na period za koji su izabrani u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog odsjeka odnosno fakulteta. Negativna ocjena kandidata u toku probnog rada smatra se raskidnim uvjetom u pogledu važenja ugovora o radu.

Kandidati strani državljanima zaključuju ugovor o radu na određeno vrijeme, u skladu sa odredbama Zakona o zapošljavanju stanaca.

**Kandidati uz prijavu na konkurs obavezno prilažu slijedeće:**

1. Biografiju / Curriculum Vitae sa bibliografijom;
2. Diplomu ili uvjerenje o diplomiranju o stečenom odgovarajućem stepenu obrazovanja u relevantnoj naučnoj/umjetničkoj oblasti;
3. Rješenje o priznavanju diplome ili potvrda da je pokrenut proces priznavanja diplome (za kandidate koji su diplomu stekli u inostranstvu <sup>1)</sup>);
4. Objavljene naučne radove, uz naznaku publikacija u kojoj su radovi objavljeni i relevantne baze podataka u kojoj su radovi citirani odnosno uz dokaz o pozitivnoj recenziji najmanje dva recenzenta;
5. Objavljene knjige relevantne za izbor u akademsko zvanje;
6. Dokaze o ispunjavanju uvjeta za izbor u umjetničkonastavno zvanje za koje se prijavljuju (javno predstavljeni oblici umjetničkog stvaralaštva, priznanja i nagrade za uspješno djelovanje u odgovarajućoj oblasti umjetnosti itd.);

7. Dokument kojim se dokazuje izbor u prethodno akademsko zvanje (ukoliko je izvršen izbor);
8. Odluka o imenovanju za mentora kod izrade doktorskih disertacija i magistarskih radova, odnosno drugi odgovarajući dokument kojim se dokazuje uspješno mentorstvo;
9. Ostale dokaze o ispunjavanju uvjeta za izbor u naučnonastavno/umjetničkonastavno zvanje za koje se prijavljuju;
10. Potvrdu visokoškolske ustanove o uspješnom izvođenju nastave na engleskom jeziku (za kandidate koji su ranije samostalno izvodili nastavu) ili dokaz o poznavanju engleskog jezika <sup>2)</sup>;
11. Uvjerenje o državljanstvu za kandidate koji su državljani Bosne i Hercegovine, odnosno ovjerenu kopiju prve stranice pasoša za kandidate koji nisu državljani Bosne i Hercegovine;

---

<sup>1)</sup> Izabrani kandidat obavezan je dostaviti rješenje o priznavanju diplome prije zaključenja ugovora o radu odnosno prije predaje zahtjeva za izdavanje radne dozvole.

<sup>2)</sup> Nije potrebno za kandidate kojima je engleski jezik maternji, odnosno koji su stekli diplomu na visokoškolskim ustanovama na kojima se nastava odvija na engleskom jeziku.

Dokumenti se dostavljaju u originalu ili ovjerenoj kopiji originala.

Iznimno, ukoliko kandidat iz opravdanih i lično naznačenih razloga priloži samo kopije potrebnih dokumenata, dokumentacija će se uvjetno prihvatiti uz obavezu kandidata da originale ili ovjerene kopije originala dokumenta dostavi najkasnije do datuma donošenja odluke o izboru odnosno zaključenja ugovora o radu. U suprotnom, procedura izbora će se rješenjem Senata poništiti.

**Kandidati su obavezni u prijavi naznačiti zvanje za koje se prijavljuju, u suprotnom takva prijava će se smatrati neurednom i neće biti razmatrana.**

Konkurs ostaje otvoren osam dana od dana objavljivanja.

Prijave sa potrebnim dokumentima sa naznakom „PRIJAVA ZA KONKURS ZA IZBOR U AKADEMSKA ZVANJA, NE OTVARAJ - OTVARA KOMISIJA“, te naznakom fakulteta i naučne/umjetničke oblasti za koju se kandidat prijavljuje dostaviti lično ili preporučenom poštom u zatvorenoj koverti na adresu: Internacionalni univerzitet u Sarajevu, Hrasnička cesta 15, 71 210 Ilidža, Sarajevo.

Nepotpune i neblagovremene prijave se neće uzimati u razmatranje. Konkursna dokumentacija se neće vraćati.